



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma Bvllarii Earvmve Svmmorvm Pontificvm
Constitvtionvm Qvae Ad Commvnem Ecclesiae Vsvm post
volumina Iuris Canonici, vsq[ue] ad Sanctissimum D. N.
D. Pavlvn Papam V. emanarunt**

Quaranta, Stefano

Venetiis, 1619

Medicus.

urn:nbn:de:hbz:466:1-10793

gradu inuicem esse coniunctos, propter quod a carnali copula huiusmodi abstinerunt; Cum autem, Pater Sancte, Oratores prædicti in huiusmodi matrimonio remanere non possint, absque Sedis Apostolicæ dispensatione, & si diuortium inter eos fieret, grauia exinde scandala posset verisimiliter exoriri, supplicat &c.

Quibus expletis, rursus sciendum est, quod praxis Romanæ Curia, pariterque sacra Concilii Congregatio censuit, quod dispensationes factæ non expressa copula habita inter consanguineos, vel affines, etiam post commissionem Rom. Pontificis factam Ordinatio de dispensando, ante tamen quod ab ipso dispensetur subreptitiæ sunt, & nullæ prout de viroque testatur Io. Gurier, lib. 1. can. q. 6. 15. rub. nu. 24. & Apostilla ad cons. 9. Nauar. de consang. & affin. in nouis, ac declarationem ad literam etiam refert Petrus de Ledesma de magno matrim. Sacram. q. 56. art. 5. conclus. 4.

Item non erit vulgariter notandum, quod dispensationis gratia ad validandū matrimonium nulliter inter coniunctos intra quartum consanguinitatis, vel affinitatis gradum contractum, & ad prolem legitimandam concessa, quoniam continet duo æque principaliter, videlicet mandatum de dispensando, vt illi qui nulliter, & de facto contraxerunt, manerent in matrimonio contracto, & potestatem legitimandi prolem, licet quo ad matrimonium non potuisset effectum habere, propter superuenientem mortem alicuius ex parentibus, valebit tamen ipsa gratia, & debet executioni mādari quo ad legitimatorem prolis, prout in vna Siracusan. illegitimitatis, die, 19. Octobris 1573. resolutum fuit in Rota Rom. coram Hippolyto Aldobrandino, tunc Rota Auditore, postea Summo Pontifice Clemente Octauo, decis. 207. diuers. p. 1. per cons. Ancharani 409. & aliam eiusdem Rota decisionem, teste Puteo decis. 483. incip. Mathæus Gabella, lib. 2. quod nota propter propter præiudicium venientium ab intestato.

M E D I C V S.

PRÆTER Summissas in hoc verbo sciendum est, quod vltra decretum Concilii Lateranensis relati in cap. cum infirmitas, de penit. & remis. adest Constitutio Pii V. Romæ publicata die 11. Mart. 1566. fol. ... in Bullar. tenoris sequentis.

Supra gregem dominicum nostræ vigilantia diuinitus creditum vigilis speculatoris, prout nobis desuper conceditur, exercentes officium, ad ea per quæ animarum saluti cum diuini nominis gloria consuli valeat libenter intendimus, vt Christi fideles post Baptismum in peccata lapsi, per sacramentum penitentia Deo reconcilientur. Sane cum infirmitas corporalis non nunquam ex peccato proueniat dicente domino languido quem sanauerat, vade noli amplius peccare, ne quid deterius tibi contingat, ac propterea prouide fel. recor. Innoc. tertius prædecessor noster Medicis præceperit, vt cum eos ad a grotos vocari contingerit ipsos ante omnia moneant, vt animarum Medicos vocent, ne cum eis hoc in extrema egritudine constitutus suadetur, in desperationis articulum incidant. Nos igitur volentes hoc tam salutare præceptum nulla temporis præscriptione aboleri, sed semper obseruari constitutionem præfatam auctoritate Apostolica tenore præsentium innouamus, & hac nostra in perpetuum valitura constitutione statuimus, & decernimus quod omnes Medici, cum ad infirmos in lecto iacentes vocati fuerint, ipsos ante omnia moneant, vt idoneo confessori omnia pec-

CATA

cata sua iuxta ritum S. R. E. confiteantur, neque tertio die ulterius eos visitent, nisi longius tempus infirmo confessor ob aliquam rationabilem causam, super quo eius conscientiam oneramus, concesserit; & eis per fidem confessoris in scriptis factam constiterit, quod infirmi, ut præmittitur, peccata sua confessi fuerint. Coniunctos, vero ac omnes familiares, & domesticos infirmi in domino rogamus, monemus, ut de infirmitate parochum certiores faciant, ac tam parochus, quam coniuncti, & familiares præfati infirmum ad confessionem peccatorum suadeant, & inducant. Quod si qui Medicorum præmissa non obseruauerint, ultra penas in dicta Constitutione contentas, quas incurere declaramus, perpetuo sint infames, & gradu medicinae, quo insigniti erant, omnino priuentur, & a Collegio seu vniuersitate Medicorum eiciantur, ac pena etiam pecuniaria a iudicio ordinariorum, ubi deliquerint, mulcentur. Et ut hæc omnia inuiolabiliter obseruentur, volumus, & eadem auctoritate precipimus, & mandamus, ut nullus post hæc ubique locorum in Medicina Doctoretur, aut ei quomodolibet medendi facultas a quouis Collegio, & vniuersitate concedatur; nisi omnia in præfata nostra Constitutione contenta medio eorum iuramento coram Notario publico, & testibus obseruare in eorum manibus, vel ordinarij iurauerit, & de huiusmodi iuramento in privilegio seu licentia medendi specialis mentio fiat. Quod si collegia, & vniuersitates præfata non recepto a promouendis iuramento huiusmodi, eisdem ad gradum prædictum promouerint, aut eisdem medendi licentiam præstiterint, penam priuationis facultatis alios ulterius doctorandi incurrant. Mandantes in virtute Sanctæ obedientiæ omnibus, & singulis venerabilibus fratribus, & Patriarchis, Primatibus, Archiepiscopis, & Episcopis, quatenus in Ciuitatibus, & diocesis proprijs præfatas nostras literas publicari faciant, ac iuramentum prædictum a Medicis iam promotis, seu licentiam medendi habentibus, omnibus iuris tempore exigant, neque aliquos ad medendum in ciuitatibus, & diocesis prædictis admittant, nisi eis constiterit eisdem iuramentum huiusmodi præstitisse, & contumaces, & iurare ac iuramentum huiusmodi iam præstitum exhibere recusantes, gradu Medicinae, & omnibus privilegijs eisdem Medicis tam communem, quam diuisim eis, & eorum cuiuslibet concessis per quosuis etiam Romanos Pontifices priuent, ac ab ingressu ecclesiæ arceant, donec resipuerint. Non obstantibus præmissis privilegijs, indulgijs, literis Apostolicis, quibusuis personis, collegio, & vniuersitate sub quibusuis verborum formis, & tenoribus concessis. Quæ omnia quo ad effectum validitatis Constitutionis nostræ, tantum reuocamus, cassamus, & annullamus, & omnes Principes seculares ac alios Dominos, & magistratus temporales regamus, requiramus, & obsecramus per viscera misericordie Iesu Christi eisdem in remissionem peccatorum multominus iniungentes, quod in præmissis omnibus eisdem Patriarchis, Primatibus, Archiepiscopis, & Episcopis assistant, & suam fauorem, & auxilium præstent, ac contrafacientes penis etiam temporalibus afficiant. Volumus autem quod præfatas literas in Cancellaria, & acie Campi Floræ publicentur, & inter Constitutiones extrauagantes, perpetuo valituras conscribantur &c.

Sciendum est, quod præter Constitutionem Pij V. de Medicorum Officio in curatione infirmorum relata, extat altera Gregorij XIII. quod Medici Hebræi vel infideles ad Christianorum curam non admittantur publicata Romæ die 15. Aprilis 1581. folio 1303. in Bullar. incip. Alias præ mem. Paulus Papa Quartus, & infra.

Greg. 13.

Vniuersis vtriusque sexus Christi fidelibus districte prohibemus, & interdici-

mus,

mus, ne posthac Iudæos, vel alios infideles ad ipsorum Christianorum ægrotantium, & infirmorum curam vocent, seu admittant, aut vocari, admittive faciant concedant, vel permittant. Mandantes propterea omnibus, & singulis Venerabilibus nostris Patriarchis, Primatibus, Archiepiscopis, & Episcopis, nec non dilectis filiis aliis locorum Ordinariis, & quibusvis Parochis, aliisque animarum curam habentibus, & exercentibus, sub indignationis nostræ, ac alius arbitrio nostro infligendis pœnis, vt presentes nostras literas in suis Ecclesiis, quæ in illis Ciuitatibus, vel diocœsibus constitutæ sunt, in quibus Hebræi, vel alii infideles moram trahunt, quam primum ad eos perlatæ fuerint, & deinde singulis annis initio quadragesimalis ieiunii publicent, aut publicari faciant, & quod si quis post earum publicationem etiam quomodolibet exemptus, ac cuiuscumque status, gradus, ordinis, conditionis, & præminentiæ existens aduersus illas facere ausus fuerit, sacramenta ei Ecclesiastica nullatenus ministrentur, nec etiam a regularibus exemptis, & sic decedens Ecclesiastica careat sepultura, quæ quidem omnia parochi ægrotantibus significare apto tempore non omittant, præsertim cum Iudæi, vel infidelem Medicum ab eis admissum esse cognouerint, & alias ipsi locorum Ordinarii contra huius mandati transgressors debita animaduersione procedant: Iudæosque ipsos nihilominus iuxta Pauli, & Pii. Pontificum prædictorum literas contra illos editas pro earum transgressione puniant. Non obstantibus &c.

M I S S A.

PRÆTER Summissas sciendum est, quod vltra decretum Concil. Trid. sess. 22. de obseruandis, & euitandis in celebratione Missæ, ibi (debitis horis celebrent) extat Pii V. Reuocatio licentiarum, ac facultatū celebrandi Missas vespertino tempore, publicata Romæ die 29. Martii 1566. fol. 924. in Bullar. tenoris sequentis.

Sanctissimus in Christo Pater, & Dominus noster Pius diuina providentiâ Papa Quintus ad cuius notitiam peruenit, quod nulli Cathedralium, etiam forsitan Metropolitanorum, collegiarum, & aliarum ecclesiarum, nec non Monasteriorum, conuentuum, domorum, & aliarum Piorum locorum secularium, & diuersorum ordinum, ac Militarium regulariū, Prælati, Capitula, clerici, fratres alique superiores, & personæ antiquum Sanctæ Romanæ Ecclesiæ ritum in statutis, Missarum celebrandarum temporibus peruertere satagentes, diuersas licentias, & facultates Missas, quæ media nocte, seu in aurora Natiuitatis, ac de mane Resurrectionis Domini Nostri Iesu Christi, & forsitan aliarum festiuitatum iuxta prædictum Ritum celebrari consueuerat, de sero etiam forsitan circa solis occasum vigiliæ festiuitatum earundem in suis ecclesiis, & cappellis celebrandi, seu celebrari faciendi ab Apostolica Sede, vel eius legatis, ac etiam maiori Penitentiario pro tempore existente variis prætextibus impetrauerunt, illisque iam pridem vtuntur, hoc ab antiquo catholice ecclesie instituto, sanctorumque Patrum decretis deuiare considerans, ac propterea hunc abusum ab ecclesia Dei submouere volens omnes, ac singulas licentias, & facultates huiusmodi hæctenus etiam Motu proprio, vel quorumuis, etiam Imperatorum, Regum, & aliorum Principum contemplatione, & ex quibusvis causis, quomodolibet concessas, ac Apostolicas, & alias literas desuper confectas, illarum omnium tenores pro sufficienter expressis habens, Apostolica auctoritate, ex certa scientia reuocauit,

Congr.
ti. de ce
leb. mis
sa.

Cc
uit,